

明

史

明史卷一百五十一

列傳二

后妃下

孝宗皇后張氏興濟人孝宗在東宮選為妃既即位立為皇后后立之四年封后父繼壽寧伯進爵為侯卒贈昌國公子鶴齡嗣侯復封鶴齡弟延齡建昌伯亦進爵為侯后家宗戚多遷秩授官寵遇之盛前後莫與比為繼作塚翠微山役京軍至萬人后母金夫人營治宮室役八千人又為后立家廟興濟宏傑壯麗作者數年乃息后甚見寵憚于帝終身不立妃嬪劉棖楊茂元論河決稱水陰象咎在中宮御史胡獻

生事李夢陽相繼論鶴齡兄弟帝雖心知其忠直然
竟皆下之獄以釋后怒嘗與后對食后怒一中官帝
亦助后怒詰責而私語其人曰非吾意也勿怖其惡
傷后意如此初繼起諸生既貴盛猶能敬禮士大夫
及鶴齡兄弟惟倚勢作態奪民田廬請官寺舍甚衆
縱家奴四出侵奪盜利縣官府築獄囚莫敢治其以
有為揚州同知葉元所辱者元以事至京師謁吏部
導奴隨而毆之尚書馬文升護元以免蓋明興外戚
之橫無過二張者武宗立尊皇后為皇太后正德五
年出尊號曰慈壽武宗蓋太后子也而中外傳為宮

又鄭氏所出弘治末有鄭旺者與內監劉山交通自言為太子外祖孝宗怒磔山於市論旺死以赦得免武宗即位莊僎申前說遂坐妖言伏誅然武宗雖太后子而待太后家頗薄延齡家奴曹陽其父祖日者也陽每諗語其儕祖能役鬼兵皆信之既而祖父子相詬詈其儕亦厭祖所為譖于延齡遂之祖以故延齡延齡兄弟與其子陽謀為逆武宗怒下廷臣謀始末其實証祖悔懼飲藥死帝復詰祖死狀刑部率事陳能等坐斥太后往來為二張營解二張亦厚有所獻久之乃解卒罷其朝泰張氏自是始稍斂戢

然尚以太后故未能盡變故習世宗在藩邸時聞其
專盛日久內弗善也太后崩于嘉靖之二十年八月
世宗嘗上尊號曰昭聖慈壽皇太后後益以康惠又
益以恭安及崩上尊謚曰孝康靜肅莊慈哲懿翊天
贊聖教皇后合葬泰陵喪葬禮皆從殺后立凡五十
五年在世宗之世僅免傾危而張氏竟敗始后挾承
宗之寵以壘鶴齡兄弟之惡論者多咎之然及武宗
要駕與大學士楊廷和等定策迎立殲夷大憝以待
其終世宗恩不薄矣鶴齡雖以定策功進太師封
昌國公然自世宗既立惴惴視武宗時益謙退殊不

敬、二帝外家邵蔣齒而世宗顧不肯母太后用張孚
敬議稱之曰皇伯母行大昏禮始稱后旨已而欲改
稱帝祖母邵太后旨群臣力爭乃止帝母蔣太后生
日勅命婦朝賀燕養倍常及后生日則罷其入賀反
為之罪諫者而后于蔣太后猶以故意遇之無所加
禮帝朝后待帝禮又倨帝心銜之所以待太后者愈
益薄后用是殊鬱鬱不聊當是時帝既不以太后為
母以雅不善鶴齡兄弟而會曹祖事後發蓋自正德
元年秋祖死事解至是己二十年矣而指揮司聰負
逆盡金責償急與董至者謀脅以祖前事逆齡怒而

殺聽于家至上變告之下刑部案問尚書聶賢奏延
齡殺聽有狀獨祖所告歲遠無左驗且謀未成帝大
怒曰論謀逆者顧有謀否耳豈計成不成耶賢懼遂
論延齡死并削鶴齡爵大學士張孚敬既倡政稱太
后皇伯母之說取寵柄國至是則亦恐重傷太后意
茲世詬厲三疏力爭而帝怒卒不解延齡竟繫獄鴻
齡貶南京時嘉靖十二年十月也二張既得罪諸子
宗說宗祿輩席其故貴尚留京師論者皆知帝怒張
氏意未已而諸奸人及張氏奴利其財亟作危言恐
喝人以邀重賄延齡繫獄之四年獄囚劉東山又奏

其書名道當罰不明六字陰構宮闈奸人劉綺後
乘機誣延齡盜宮禁內帑通賄遣兩人所告凡逮及
數十百人詞極誣用帝輒命窮治延齡遂獲加誣上
罪繫獄如故而東山罪當遣戍既出獄因又時脅宗
餘輩得貨賄無算明年奸人班期于雲鶴亦邀賄不
滿意詎鶴齡兄弟挾左道呪詛辭亦及太后鶴齡自
南京赴逮瘼死獄中則雲鶴亦坐誣謫戍又明年東
山以弑父亡命為御史陳讓所獲後誣告延齡如期
雲鶴指并讓陷之冀以悅上意而脫己罪羣小和之
劉璉遂安伯陳璉西寧侯宋良臣京山侯崔元太監

凌福等數十人皆繫獄是時帝怒甚讓從獄中上疏
言東山扇結奸黨圍危宮禁陛下有帝克既睦之德
而東山敢為陛下言漢武巫蠱之禍陛下有帝舜底
豫之孝而東山敢辱陛下以暴秦還母之謀離間骨
月悖逆不道義不可赦疏奏帝頗悟都指揮王佐與
其獄偽為訟東山者次第餽得其情奏之帝乃械死
東山赦讓及鏐等而延齡竟以前罪長繫又貶宗說
等南京沒入所賜田產追奪欽奉時十七年正月也
六年之間大獄重疊皆陰窺帝指以動而其意未嘗
不在太后也當獄之急帝意必族張氏太后懼駭

款事而請帝謝不見則使人以告其後至永敬業
希業為請終不見聽而自十七年以往帝遂不復朝
太后宮事之益不以其道如是者四年而太后崩崩
後五年而延齡薨斬西市蓋張氏雖以驕縱自取敗
亡然世宗實用私意殺之太后幾坐是傾危而一時
與后定策迎立大臣楊廷和輩亦以請帝考孝宗母
太后皆得罪去無一免者

武宗皇后夏氏上元人正德元年立父儒封慶陽伯
世宗即位上后尊號曰皇嫂莊肅皇后十四年崩凡
立三十年也帝曰嫂叔無服又兩宮在上况迫章聖

太后生日朕不可以服素臣民其服母后服如禮禮部
尚書亟言言陛下既以嫂叔絕服則羣臣不敢服素
以規諸暫罷朝恭許之已而議謚故事后謚以十二
字大學士張孚敬希旨言皇嫂宜用二字或四字以
別於累朝帝毋言等因請如故事帝不許乃謚以六
字曰孝靜莊惠安肅毅皇后十五年帝以前者禮未
脩加謚溫誠順天偕聖乃得十二字如故儒子臣朝
伯嘉靖八年罷襲

穆宗皇后蔣氏順天人世宗母也弘治五年冊為興
寧妃從之安陸獻王薨二年而世宗以張太后命入

繼宗即位三日遣使迎妃安陸妃至通州聞廷臣
援古誼請帝母張太后而改稱己皇叔母則大怒曰
安得以吾子為他人子留不進者旬日以固要帝張
太后帝稱妃與獻后為肯入帝以皇太后法服園簿
奉與獻后至宮入自大明中門行御道廷議初謂宜
自東安門入繼謂宜自大明左門入帝皆不聽也嘉
靖元年尊興獻后曰興國太后三年上尊號曰本生
母章聖皇太后己廢去本生字又加上尊號曰聖母
章聖慈仁皇太后而張太后頗改稱皇伯母五年奉
章聖慈仁皇太后謁世廟九年詔稱太后嘗著女訓

以其書與高皇后傳及皇后內訓共頒天下十五年
益章聖慈仁皇太后尊號以內字曰康靜貞壽而張
太后止加上二字由是兩宮尊號數皆八十七年建
慈寧宮奉后居之十二月后崩上尊謚曰慈孝貞順
仁敬誠一安天誕聖獻皇后是歲加皇考廟號曰康
宗睿宗顯陵在承天純德山帝至是躬度大峪將遷
睿宗梓宮與太后合葬以列景朝山陵之次繼天應
皇考神靈遷徙不安更議奉畏而面兩議交戰未決
乃定議遷葬於是梓宮行有日矣或稱純德撫宮
猶帝乃躬詣康寧顯陵相視竟營新宮於陵北

立而遷然帝意終疑未決會車駕過慶都而慶都
故有堯母陵乃喟然曰帝堯考妣異陵固知合葬非
吉先遂盡變前兩議將分葬南北既還京復往大峪
意殊不愜分葬議而已遂命京山侯崔元等奉太后
祔宮而南襄事于純德新宮十八年閏七月庚申也
是時帝竟不復朝張太后惟于本親之葬數月之間
一至純德再幸大峪凡七更其議云后父數無子后
稱興國太后之年封敬嗣子輪王田伯後子榮襲封
榮弟榮官亦至都督守顯陵明興以來外戚受資惟
將氏最厚

世宗皇后陳氏元城人世宗凡立三后而后其元配也嘉靖元年行大婚禮明年封后父萬言泰和伯后以七年七月崩初帝既立后踰月冊文氏為恭妃張氏為順妃后意不能無妬帝積怒於后后驚悸得疾萬言妻與諸入宮視后不許既崩而帝怒不解故喪葬禮皆從殺謚曰悼靈後三月而順妃張氏代立為皇后

世宗廢后張氏父樞官錦衣指揮僉事而立之四年帝用太學士張鶴議初立九嬪首方氏曰德嬪而以杜氏為康嬪后立凡七年以諸嬪昭德太后弟張

延平之獄觸帝怒遂見廢時十三年正月也是月德
曠方氏代立為皇后

世宗皇后方氏江陵人張氏既廢帝意屬后舉示夏
肅言曰臣敢為陛下賀夫天圓而地方者也帝喜遂
得立初定皇后謁太廟世廟禮后立之三年進康嬪
杜氏為妃用夏言議改謚悼靈皇后曰孝潔廢后張
氏薨葬之金山明年康妃杜氏生子又三年封后父
魏安平伯又二年進爵為侯帝幸端妃曹氏宮既寢
熟寧璚王氏及諸宮婢楊金英等為逆帝被縊未絕
有張金蓮者初亦與謀至是告后后奔救得免帝既

蘇甚僣猶不能語后以帝命收王氏等磔於市并殺
曹妃后立十四年以二十六年十一月崩帝曰皇后
扶危濟難厥功茂焉奄忽崩逝朕實痛之其喪以元
后禮謚曰孝烈帝及羣臣喪服視喪孝潔時皆有加
而孝潔之塋僅踰三月又別塋天壽山襖兒峪梓宮
自左王門出驛祖禮皆廢不舉孝烈則以七月而塋
於承陵梓宮出由御道虞祭凡九如禮制及奉安二
后神主孝潔始祔奉慈殿孝惠太后之側已而遷奉
先殿東夾室而孝烈則始特命饗坤寧宮其後遂祧
仁宗而祔于太廟之第九室當是時帝念已特以威

怒。臣強奉本親入太廟當九室之一比太宗而恐仁
宗不早祧易世後建議必從遷廟考故及身祔孝烈於
廟以定其位次蓋非徒德后教己不欲其為孝潔所壓
也。羣臣雅不忍預祧仁宗則言孝潔元配非有大惡
喪葬禮既殺又擯其主不得預於太廟之祭非禮意故
議三年不決尚書徐階都給事中楊思忠尤以為不可
帝大怒由孝烈皇后特支子繼室忌日不祭固嘗又曰
羣臣爭考帝爭祔已三十年矣尚挾詐懷貳至此今
雖不忍祧仁宗可且置后主別廟一任爾曹處之羣
臣以懼不敢爭惟固請悉如帝持而帝猶藏怒不已

苑肉糲祇思忠百斤為民其後十六年杜康妃之子襲
帝位是為穆宗加上孝潔尊諡曰孝潔恭懿慈惠安莊
相天翊聖肅皇后孝烈尊諡曰孝烈端順敏惠恭誠祇
承衛聖肅皇后以禮官言祖宗雖有二后三后合葬思
制而太廟非元配不得祔食於是改葬孝潔永陵祔
主太廟以景雲殿奉安孝烈主而睿宗廟室卒如帝
所定云孝潔父泰和伯萬言以嘉靖十四年卒子不
得嗣封孝烈父安寧伯銳以二十五年卒子承裕嗣
時諸外戚皆爵止其身惟承裕及慈孝皇后族人蒙
得爵又其父爵隆慶元年用主事郭謙臣言乃罷襲

世宗皇后杜氏大興人杜氏立為康妃之明年而穆
宗生生穆宗十八年而亮賜諡恭淑葬金山時穆宗
以裕王居邸禮部請裕王主妃喪遵高皇帝孝慈錄
斬衰三年帝不許穆宗立上尊諡曰孝恪淵純慈懿
恭順贊天開聖皇后遷葬永陵祀主神霄殿封太后
光繼宗慶都伯

世宗貴妃王氏丹徒人初入宮未得幸題詩自歎有
風吹金鎖夜聲多之句帝覽而憐之召當御遂有寵
冊為貴妃主仁壽宮事椒寢虛位幾冊立者數矣陶
仲文求賂不得風帝以特尊毋庸數體遂寢然寵幸

實教中宮年未三十而薨性恭儉戒子姓毋效戚範
驕侈妃有四弟繼繡繡繪以妃恩得一人簪錦衣其
家以繡名上帝攬筆加人字曰何不繡也繡遂得補
宿衛而繡尋死

穆宗皇后李氏昌平人穆宗為裕王冊為妃嘉靖三
十七年薨葬金山穆宗即位謚曰孝懿皇后神宗加
正尊謚曰孝懿貞惠順哲恭仁儉天褒聖莊皇后合
葬昭陵祔主太廟父銘隆慶元年封德平伯
穆宗皇后陳氏通州人初為裕王妃隆慶元年立為
后無子且多疾三年移居別宮羣臣以為言帝不

省以宗嗣位尊為仁聖皇太后而尊帝生母曰慈聖
皇太后故事帝生母止稱皇太后而嫡母則加尊號
二字以別之至是兩宮並上徽號嫡庶始無別大學
士張渚正意也萬曆六年加上尊號貞懿十年皇長
子生獲加康靜始帝欲特益慈聖太后以四字大學
士張四維等引祖宗家法力爭乃各益以二字十二
年兩宮同謁山陵當是時凡遇令節必恭詣兩宮會
燕乾清皇帝先立雲臺門下北向以俟仁聖皇太后
輦至景運門慈聖皇太后輦至隆宗門皇帝居中向
北跪迎輦過乃起皇后王氏扶仁聖皇太后皇貴妃

鄭氏扶薦聖皇太后下輦入宮升座皇帝頓首奉觴
膝下上食宮中傳為美談而兩太后父母俱無恙却
入艷稱之然帝事仁聖僅無失禮而已戚里恩澤亦
獨厚李氏非陳氏敢望也仁聖太后在位三十年以
二十四年七月崩上尊謚曰孝安貞懿恭純溫惠佐
夫私聖莊皇后祀主奉先殿別室父景行隆慶元年
封固安伯神宗之世諸恩澤封者皆不得嗣爵景行
之孫承恩以武清侯李偉得傳其子文全為此請襲
祖封帝曰朕故事兩宮初無隆殺第承恩為景行孫
非文全比也乃以都督同知授之而其後文全竟得

後廢其子銘誠馬

穆宗皇后李氏東安人以宮人事穆宗裕即生神宗
隆慶初冊為貴妃神宗即位尊為慈聖皇太后議居
慈寧宮時帝嫡母仁聖太后已定居慈慶矣大學士
張居正以帝方十歲請慈聖太后留居乾清宮視起
居慈聖從之勅帝從居正受學用其言以三六九日
視朝餘日御文華殿講讀而太后亦於宮中課帝如
灋邸夜則與帝對榻而寢嘗視朝日五更輒先起至
帝榻呼曰帝起令左右掖之坐取水為頰而擁以登
輿退朝則時訓以親賢納諫愛民情實及御講筵入

令敎講官進說於前以驗其識否帝在宮中讀書或
少怠必令長跪責敎之中外夾持甚嚴故帝鮮有失
德太后凡居乾清七年以帝將序當還御慈寧然心
殊念帝諭之曰大孝之道在節飲食慎起居毋溺祗
席毋用匪人以祈天永命又傳諭居正曰皇帝乍離
予側大懼動學藝故不克如初先生尚朝夕納誨輔
成其德用終先帝付託欽哉居正頌首受命上疏太
后言臣敢不殫厥愚忠對揚休命然外臣不知內事
伏惟太后陛下還宮之後調護聖躬開導聖學終始
勿替幸甚又上疏請帝服膺慈訓太后乃去乾清帝

於是年且長矣既遠太后遂肆己意與宦豎孫海客
用等邀遊無度稱釋法服著窄袖小衣挾持刀仗走
馬長街又嘗被酒夜遊手劍截宮人髮杖二内使幾
斃太后聞之怒甚乃易青布衣屏簪珥令宮人傳言
將召輔臣告廟廢帝而立潞王潞王者帝同母弟也
帝大懼涕泣拜謝太后詰責久之始解令下御劄罪
已言一時昏昧致為海用所惑今奉慈母教諭請改
過除奸又令手詔謝居正而居正復上疏切諫曰日
者奸佞盡熾上心異懲寵幸賴九廟列聖之靈默啟
太后形之譴責陰佑陛下自悔前非今又宣諭臣等

盡心輔導臣惟漢臣諸葛亮有言宮中府中俱為一體黜陟臧否不宜異同臣待罪輔弼又承先帝末命宮中之事皆當預聞今乃徒避內外之嫌不早直言匡救致陷陛下於過萬死不足塞責既蒙德音開示繼自今臣亦不敢復以外臣自限凡陛下宮壺起居衣左右近習或有邪佞不忠如海月等者但有所聞悉舉祖宗之法竭忠敷奏陛下亦宜仰遵太后慈訓痛自改悔戒遊晏以重起居專精神以廣繼嗣節費以省浮費卻珍玩以端好尚親萬幾以明庶政勤儉學以資治理毋使今日悔過徒為虛言遂盡斥海

用叔其同惡嫌德秀溫祥周海帝雅憚居正自是愈
益取為所制特屈於太后故不敢發當是時太后以
天下委居正而居正不避嫌怨務舉祖宗法度以禁
勅上下雖於太后未嘗少假嘗有詔厚賜太后父武
靖伯偉居正刳祖制力爭且言孝在無違而必事之
以禮恩雖無窮而必裁之以義貴戚之家不患不富
患不知節富而循禮富乃可久故越分之恩非所以
明厚薄涯之請非所以自保又有詔增修慈慶慈寧
兩宮居正不可謂兩宮落成未踰三載不宜毀已成
如藻飾太后性慈嘗欲免決囚帝為喻指居正言佛

雖慈然常云此獄有力山劍樹慘過人間是佛未嘗
不殺也乃止又以帝疾愈令羣僧得集戒壇度衆居
正奏聖躬康豫宜告謝郊廟社稷益助洪庥勿復聞
戒壇祀世宗明禁以是上載太后太后初不以為忤
且愈益任之居正所以得展才畧內修政事外策疆
務一變文武恬熙之習萬曆十年中兵強國富令行
禁止號為治平者太后力也及居正卒帝親政漸不
聽太后教太后亦不獲御制如曩時矣帝既昏五年
無子太后憂甚而怪宮婢王氏獲大諸宮婢共為
信帝來朝時得幸有身太后意良喜候帝至問之帝

不知太后指慙不肯言太后怒曰吾宮中詎有男子
至哉帝乃言狀太后則改容好語帝曰吾老矣猶未
有孫王氏即生男宗社福也子宜以母貴賤耶王氏
於是得封恭妃生皇長子然卒無寵而帝所嬖貴妃
鄭氏亦生子於是帝無意立長故媛之諫者多得罪
故若問帝何怒諸臣為帝率爾應曰彼都人子也安
得立禁中呼宮人曰都人太后故起自宮人乃大怒
曰爾亦非都人子耶帝欲地良久不敢起蓋太后欲
問是叔帝立長帝果為慙失言不置故鄭氏子訖不
得立而國本遂定始太后以帝大昏禮成加上尊號

宣父皇長子生如明肅皇長子立為太子如貞壽端
獻皇長孫生如恭熹立為太后凡四十五年以四十
二年二月崩上尊諡曰孝定貞純欽仁端肅稱天祚
聖皇后令蓋昭陵別祀崇先殿太后既佞佛廣營寺
塔費衆鉅萬帝亦助施無算及崩帝薨為九蓮菩薩
馬武清伯偉後進爵為侯太后待外家嚴嘗以事召
偉父子跪仁德門宣諭責數之故李氏無敢大橫者
神宗皇后王氏餘姚人生京師萬曆六年立為皇后
後幾為貴妃鄭氏所傾以善事太后得安然帝猶時
殺其左右坤寧宮吳熾皇后之實終后之世不為更

悼復福王之國頒王妃戒諭例用后寶乃刻梨木為
戒印其上而已后既失寵無子而羣臣請立王恭妃
子者帝輒以待嫡拒之羣臣皆知帝欺莫之信給事
申正德完聞后疾抗言請誦護帝怒大學士沈一貫
為奏解帝諭一貫因言后適年稍悍戾不慈一貫懼
不敢復婉諫且謂人情積疑不可益之德駭臣不敢以
聖諭示人願陛下於宮中勿泄帝知外廷歸心中宮
自是禮遇稍加馬后在位四十三年以四十八年崩
號聖定陵謚曰孝端憲宗立加上尊謚曰孝端貞恪
莊憲仁明婉天毓聖顯皇后祔主太廟父偉封永年

伯卒子明輔嗣

神宗皇后王氏以慈慶宮宮人得幸萬曆十年封恭
妃生光宗然卒無寵鄭貴妃生皇三子進封皇貴妃
而恭妃封不加及元孫生始進號如鄭氏妃病篤光
宗請於帝曰徃省視鄭貴妃輒使人獨之一日妃歿
有言見伺者而止竟薨以大學士葉向高言得賜諡
溫肅端靜純懿蓋天壽山光宗立追上尊諡曰孝靖
溫懿敬讓貞慈奉天符聖皇后遷祔定陵祀奉慈殿
姪天瑞封永寧伯

神宗皇貴妃鄭氏襄陽人萬曆十年遷為淑嬪己而

自德妃進貴妃以皇子常洵生後進皇貴妃帝終身
寵幸之始貴妃李氏寵亞鄭氏鄭氏因其疾使御藥
房內監張明提藥陰殺之而皇后王氏素無寵又未
有子以善事慈聖太后僅能自保恭妃王氏生皇長
子然亦無寵鄭氏遂竊房燕異幸其子得立為嗣天
下以鄭氏故洵洵者三十餘年皇子常洵之生後皇
長子四年鄭氏時創兒帝旁兒啼不止鄭氏故泣語
兒曰兒生也晚苦向上帝冀益數用此動帝帝果許
立之相與之太高元殿設密誓於神前帝書其辭妃
以玉盒受而藏之而帝上畏太后之嚴廷臣爭之又

力不得已數以待嫡為辭而皇后實無寵又多病帝
非有意於后亦明知后不能舉子從念后既多病當
不能久貴妃母子終得正位而久之宮闈卒無他變
蓋遷延十有六年乃始立皇長子為太子而封皇三
子為福王帝乃索遷所為王金者發鐵視之則其書
蝕已盡矣帝憮然異之然太子既立而福王久不之
國帝待太子視福王又殊薄福王始生鄭氏遽進位
為福王朝夕倚側而太子希得進謁又不令得出宮
講讀與恭妃亦隔懸不相見福王遷侍卒即有詔令
為皇太子而太子母及妃郭氏之薨既久猶不得葬福

玉卽第十倍常制莊田至四萬頃所賜珍寶不可勝
計而太子宮中服御儉陋侍衛僅羸老七八人而已
蓋太子幾為所傾者又二十年而慈聖雅欲立長又
毒皇長孫生庇之益力及慈聖上賓太子位已久定
帝知人心屬之太子亦醇謹無以為罪其後皇后崩
甫三月貴妃未及進位而帝遽殂落款太子竟得無
他而羣臣自福王之生皆內懷憂懼三十餘年之間
國事納忠言者舌敝而帝終不聽故議論日益多疏
言飛文譁於民間於是憂危竊議積憂危竊議王曰
乾之告變紛紛焉及挺擊獄起舉朝惶駭攻鄭氏尤

在蓋由寵嬖子以成亂本帝實有以招致之也帝早
歲聽政頗勤天下號為平治自鄭氏寵盛始倦於視
朝有度死廢國本之爭馴致播紳大禍訖於南渡未
也明業之衰妃實為之禍水而帝遺命猶欲封為皇
后光宗即位禮臣孫如游等力爭乃寔鄭氏薨於崇
禎三年謚曰恭恪惠榮和靖塋銀泉山妃父承憲官
都督同知其子國泰孫養性仍世襲錦衣非故事也
當羣臣之請建儲承憲兄承恩及國泰佯上疏請如
建議帝亦佯怒及福王托言莊田不足久不之國國
泰笑佯以為言持此以欺周天下而天下卒莫之信

進承恩為憂危故議所指自而挺擊之獄則僉謂國
泰為主謀其後文盛傳養性以貴妃之命進美女於
光宗以速其疾天啟三年都御史趙南星等上言國
泰構蒙宮闈幾搖社稷且權傾中外虐焰彌天三十
年來凡有血氣之倫咸藏怒飲憾於鄭氏今養性迫
近闈帷禍本未絕衆益寒心懼復有小人構煽其間
借以發難者宜即出之於外以除國家隱憂全鄭氏
宗族從之已而親忠賢亂政乃復召養性還京師馬
光宗皇后郭氏順天人萬曆三十年二月冊為皇太
后紀四十年十一月薨諡曰恭靖端懿溫惠元妃

熹宗立上尊諡曰孝元昭懿哲惠莊仁合天弼聖貞
皇后合葬慶陵主祔太廟兄振明封博平伯尋進侯
崇禎末年死於賊

光宗皇后王氏順天人熹宗生母也皇后劉氏海州
人莊烈帝生母也光宗在東宮既而年未有子會
妖書事起帝降手諭以安太子又用太監陳矩言
選淑女侍之選侍之名由此起王氏劉氏皆與焉王
氏以萬曆三十三年十一月十四日夜生子熹宗是
年太子使宮婢赴仁德門以聞是時宮門既扃月滿
庭庭太子獨來往徘徊以猜嫌方熾意殊不安已而

宮婢還報具言慈聖太后喜得曾孫闔宮稱慶太子

乃驪王氏於是德封才人後五年劉氏生莊烈帝又

五年劉氏薨葬金山無名封又五年王氏亦薨諡曰

昭肅恭和章懿才人光宗時追封王氏皇貴妃改諡

溫肅端靖純懿惠宗即位上王氏尊諡曰孝和懿

溫穆徽慈諸天鞠聖皇后追封劉二廟賢妃後亦

以莊烈帝繼統得加尊諡曰孝純恭懿淑穆莊靜毗

天毓聖皇后俱祔慶陵王氏劉氏既起選侍後用子

貴為東西二李氏亦皆由選侍承恩而李尤有寵王

氏敗為西李凌轢陷薨遺害李氏毒仇也今內豎劉

良相筆之而光宗頗以熹宗及莊烈帝皆失恃命而
李養之光宗早世三宮未得獨留之際召廷臣入憑
几語國事已乃命封李氏皇貴妃李氏從幃後手挽
熹宗入令傳語宣封皇太后廷臣言陛下命封貴妃非
皇后也帝頷之明日帝崩初帝即 貴妃托擁護
之名歆居乾清宮帝謝遣之至是李氏歆踵前
撫安留乾清五日而熹宗顧避居慈慶宮都給事中
楊連御史左光斗等力爭之李氏乃移於別宮而論
者或言移宮之際李氏見過從既以出至發憤數旬
薨皇妹亦幾入并與連光等爭獻不已熹宗於是下

詔恭李氏異時怙寵侮戚母后及欲垂簾聽政狀且
曰今得選侍封號以慰聖母在天之靈厚養選侍及
皇妹以敬遵皇考之志乃無敢異論者其後魏忠賢
亂政得移宮事以殺魏光斗而李氏乃得封康妃馬
莊烈帝始育於西李宮中後宮之後熹宗改命

育之東李簡重寡言笑儼若五六者宮中多愛

其名位素在西李前及熹宗命撫親莊烈甚有恩

莊烈帝亦事之如生母笑啟二年既加莊烈帝生母

劉氏封號東李亦以慈母恩得封莊妃當是時忠賢

竊氏肆虐光宗選侍後有趙氏者以忤其意矯熹宗

命縊殺之趙氏悉出光宗所賜玩列几上沐浴再拜而死而莊妃亦以待正爲忠賢家氏所惡數見侵逼內豎徐應元獲倚忠賢勢驕不可御妃鬱鬱致疾薨葬劉賢妃園旁崇禎初安置應元鳳陽而趙氏則竟以宮人嬪英有爲中雪者傳訛加心亦光宗選侍也莊烈帝既嬰年失母及卽位以不及尊養爲憾后遣像其能得而傳選侍自稱習太后指示宮人中狀貌相類者帝遣中使之后母瀛國太夫人徐氏第令畫工恭贊凡三易稿既定具兩薄導入帝跪進於朱明門懸之宮中許老宦婢襟觀或言肖或言否

帝為之雨泣宮中皆泣以勸帝哀而傅氏遂以此得
加封號云臣太后居北昇天啟時封新城伯而在烈帝
亦封劉太后姓張猶新樂侯待之尤厚文炳卒死於
甲申之難李莊妃弟成棟莊烈帝思妃恩賜成棟田
千頃

熹宗皇后張氏祥符人以天啟元年為皇后父國
紀封太康伯魏忠賢客氏憚后體直數於帝前離間
遂誣后為死因孫二女殿后有娠乃盡逐宮人異己
者而以其私入代之奉御無狀胎竟殞凡天啟七年
八月后及藉後宮生皇子三皇女二皆以客魏故致

矢絕其懷孕傷墮者不在此數常是時六宮咸委命
客魏惴惴莫保朝夕裕妃張氏成妃李氏皆嘗失客
魏意張氏方任身矯旨錮其宮門遂左右於外絕水
火數日會天大雨妃力疾匍匐至簷前伏啜雨水數
盞而絕其幽成妃如所以處裕妃者而李氏推簷前
事嘗儲食物壁間數日不死客魏怒少解始斥為
不得不死諸如胡貴人馮貴人之屬或絕食勒死或因
其微疾殺之倘有違言無不立死者而客魏尤忌后
深置后父國紀又於帝前而折其奸帝嘗至后宫后
旁讀書帝問何書曰趙高傳也帝默然客魏益怒

劉志選梁夢環復誣后非國紀女如前說國紀坐削
以縣而容魏怒猶未已於是令壯士挾刃伏便殿帝御
殿忠賢搜得之以聞帝大驚送殿衛治之忠賢乃誣
國紀謀立信正為不執欲興大獄王體乾沮之乃殺
其人以滅口事得寢熹宗既崩莊烈帝入宮中自危
集后裁以母食宮中物莊烈帝乃命妃周氏家作麥
餅以進袖而食之得無他俄上尊號曰懿安皇后忠
賢既誅裕妃戚妃皆獲封號國紀亦復爵崇禎末以
翰林進爵為侯旋死於寇后在位二十四年京師陷

國初恭慕之無宗陵

蘇州帝皇后周氏其先蘇州人徙居大興天啟中冊
為信王妃帝入繼大統拔為后封后父奎嘉定伯后
有賢德減椒房用廢裁抑外家嘉定伯嘗言必立后
國母為後后曰此自朕也前母兄在不可母丁夫人
亦嘗拜畢始行家入禮后見母之為已屈也泣下不
能止性嚴慎不苟言帝頗敬禮之咸陽京師后先帝
母後崩

國初恭慕之無宗陵

陵

莊烈帝皇貴妃田氏陝西人崇禎元年冊為禮妃進
皇貴妃帝性素嚴遭時多難居常戚戚而貴妃明慧
多智談言微中能慰帝心故承恩獨渥妃母揚州人
妃多村藝妃生長揚州似其母嘗鼓琴帝問安所受
之妃言受之妾母翌日召入宮與妃對撫帝大驩樂
先朝妃母得至後宮者絕少后母入謂亦惟淳宗
時有之至是皇后母及妃母皆得詣禁庭而妃母尤
數出入無期度妃既寵盛帝身所御皆用揚州服製
妃母嚴製之以獻而所御器物亦多自江南輦致宮
中獨時花藥時邀帝奏消皇后與帝夙共危疑見重

於帝以妃有寵而驕內弗善時田氏與袁氏俱位貴妃倚東西二宮后與袁相得甚驪語嘗移時不厭而數裁田以禮相見無他言田大恨泣訴之帝且疏后過帝務存大體詰責妃罰處別宮半年而心愛憐之彌甚或曰帝陰令妃指后過以風止后又惡傷后意故佯薄責妃云其後有司奏妃母家怙寵作奸復坐貶別宮未幾帝與后置酒泉和門賞花帝意殊不懌左右皆恐后請召妃共遊帝佯不應后遽令以輿迎之乃相見如初驪飲而罷十五年妃薨賜謚恭淑端慈靜懷堊天壽山即復名思陵者也妃父弘通以恩

官左都督

論曰有明家法之嚴且遠軼於宋又何論漢唐列代也然萬鄭兩妃以驕恣構釁宮闈至貽禍於宗社尚論者為心悼焉而慈聖佞佛建寺糜費已極九蓮菩薩之號恐未得為母儀之正也嗚乎陰教之修自古而難之抑獨何與

明史卷一百五十二

列傳三

諸王上

明之宗支世繁既縷分而臚列之矣生齒既繁斯品
衆有別其間行止之臧否茅祚之久促載在典冊者
不少概見採而輯之將法戒亦存焉惡可以任其湮
沒為也

大都督汝正熙祖之曾孫仁祖之孫而太祖兄子也
熙祖二子長壽春王次邵仁祖壽春四子曰霍丘王
安豐王下蔡王蒙城王霍丘生寶應王安豐生六安
都梁來安英山四王仁祖亦四子長南昌王次臨淮

王次子時昭王而太祖最初南昌之長子曰山陽王其
次子文正也時昭生招信王蓋自熙祖而下太祖之
伯父一人兄三人從兄四人兄子三人從兄之子五
人及太祖之起十五人者皆前死獨文正在初南昌
愛于仁祖而太祖與之有隙南昌死于甲申之歲朱
氏貧不能生活文正之母王氏提文正歸母家身歷
諸艱誓死不嫁以待其壯如是者九年而太祖起兵
王氏母子皆往從之太祖雖故與南昌有隙然時尚
未有子又無他宗族故命馬后養文正為子文正有
才畧從渡江攻太平破陳也先克建康皆有戰功拜

樞密院同舍太祖為吳國公以文正為大都督節制
中外諸軍事尋出鎮洪都太祖介居張陳二寇間而
陳氏據上流東盡江西之界屯重兵洪都日事進取
軍鋒甚銳太祖尤以為患欲先取之進兵畧定江西
而衆心未固洪都既降復叛守將鄧愈脫身獨亡走
四月乃定太祖曰守洪都則江西固而陳氏斷臂故
授文正節鉞鄧愈等往鎮之時至正二十二年五月
也明年四月友諒率舟師六十萬以爭洪都既至親
督諸將晝夜百道攻城戰艦高數丈俯瞰城中自友
諒以下皆攜其孥空國而來意在必取文正命諸將

分城拒守而已居中節制之友諒攻撫州門鄧愈所
守也城壞三十餘丈文正督愈等死戰且戰且築一
名城完友諒分兵取江西旁府以孤洪都之勢以所
獲吉安守將劉彝來華臨江同知趙天祐徇城下未
與不為動自四月至六月友諒盡攻擊之術文正隨
方拒之而援兵不至友諒督諸將圍益急文正乃遣
平戶張子明告急于建康而詐使軍士號捨命王者
詣友諒營約日出降以緩其攻友諒信之文正得增
修守具至期友諒乃知其詐殺捨命王城下復急攻
之文正守具既益修友諒不能克而太祖既聞子明

言洪都之急七月率師泝流而上援之友諒乃解圍
東出還戰鄱陽湖當是時友諒頓兵洪都城下者八
計有五日師老糧乏戰士死者甚衆江水又落巨艦
不利於用故戰而屢為太祖所敗然獨駐湖中不肯
退還舟五百艘掠糧於都呂文正使舍人陳方亮往
盡燔之於是友諒食盡窮蹙求歸復戰敗死太祖乃
拔洪都為南昌府文正如前鎮之而命諸將破滅陳
氏餘孽文正在鎮凡三年陳氏既亡江西大定于是
張氏之勢益孤而是時太祖諸子漸長文正已復後
其本親太祖又追銜南昌王不置故文正遂以嫌猜

得罪至於僂死文正性剛既監方面大勛顧驕恣不法數見詰責甚慚懼江西按察使李欽永言其怨望戒於張氏太祖遽親至南昌執文正以歸欲殺之馬后力救乃得免死安置桐城其後復疑其有異志竟殺之太祖卽帝位進王壽春以下十五人從祀太廟而文正獨僂死不得受爵祔食其後文正之子守謙雖封亦不良死而十五王之後祀廟庶壽春臨淮王昭靈丘安豐蒙城六王有妃者皆配食而文正母王氏獨獨不得與云

靖江王守謙初名鐵柱太祖故與鐵柱祖而呂王有
陳氏疑其父染並懷貳鐵柱方四歲而文正得罪太
祖有鐵柱宮中撫其頂語曰吾終不以若父有罪故
廢若也佯愛憐鐵柱以示羣臣其後文正竟慘死鐵
柱既長頗讀書孝作詩文知父死不以罪又知太祖
起仇其祖不置時時怨恨不能韜晦太祖頗覺其意
平以米氏無他宗族故得與諸子俱封鐵柱改名煒
復改若守謙開府桂林僻在嶺表古遷謫地也九年
龍圖十三年太祖知其怨望有詔稱其淫虐召還廢
不王而殺其若相李質守謙既廢居京師嘗作詩引

夢義以思其父人為文曰出無所恃入無所恃且言
宮室車馬之奉不如老死桑田為樂或傳之太祖太
祖怒即劓作農夫使田鳳陽當是時太祖實欲赦守
謙而佯曰朕思我祖考不忍致謬故以是苦之而守
謙之祖母王氏故誓死不嫁以待文正之壯既親見
文正慘死及守謙復壯受爵而又見其得罪重貶王
氏年老矣內傷其孫不習田家作苦將復蹈死亡而
畏太祖不敢詣乃遣二僮奴與守謙俱時陰代守謙
治田踰七年守謙無恙始召還至京師旋使居雲南
雲南視廣西去京師尤遠臨行佯諭之曰若早革非

高皇帝大理北至有詔稱其貪暴復召還安置鳳陽
又有詔稱其橫恣不法召至京師撻而錮之於是親
作紀非錄歷敘古今藩王不法者而罪狀守謙尤纖
悉又追慕南昌王文正罪言守謙之惡皆其祖父積
不善所致時二十年二月也守謙見錮五年竟死有
子以其子贊儀為靖江世子蜀之京師贊儀以祖父故
不得受爵為王然能用恭慎自免三十年春遣贊儀
省晉燕周楚齊蜀湘代肅遼慶谷秦諸王自京師歷
楚湘入蜀出陝西走河南踰山西抵大同宣府北平
北極大寧遼東自山東而還太祖曰贊儀年幼欲其

知親親之義且習山川險阻也。未久太祖崩。贊儀竟
免。永樂初。得立為王。遂就國。是為悼僖王。悼僖王薨。
子莊簡王佐。敬立莊簡王。薨。長子相承。前卒。其子昭
和。王規裕立。昭和王薨。子端懿。江約。麒立。王多疾。不
能視事。世子經扶代之。治其所區畫。皆有條理。踰四
年。遂奉勅掌國事。賜一品服。國事治。又十四年。王薨。
經扶立。是為安肅王。王好讀書。能下士。有惠於國。國
人愛之。年三十有三而薨。凡附於身者。皆素其前。薨。
三日。設宴與族親訣。下至內使。宮人皆有資。子殊戚。
重。輕無錫銖。與臨薨。神爽不亂。呼世子邦華至膝前。

教戒甚力王薨於嘉靖五年邦華立自守謙受封以
來至邦華已八世矣宗人日繁至三千有餘宗人無
以自業思欲作奸憚王府威重不敢發而王邦華待
之頗少恩為所怨巡按廣西御史又與王有隙會王
援祖宗御書請祿米全支本色戶部裁之以近例謂
宜本折泰半如故王請益堅且言若不得請當削髮
披緇不敢入府世宗方怒其要挾諸宗人于是各告
王陰事以快其忿巡按御史助之言帝為切責王奪
祿半歲殺其童奴甚衆由是王權勢大沮不能復幹
宗人久之廣西大吏患諸宗人之暴而無如之何也

乃疏稱王悔過宜降勅褒諭欲復重王權令統治宗人而王威望既損諸宗人不復畏往往往迫劫官府設詐究變甚至白晝行剽為奸公私苦之四十五年給事中牟自修言廣西地臨絕徼諸宗不靖失今不治大亂將起宜亟重王邦事權嚴加禁戢以消亂本從之王威乃得復振宗人咸受約束效罪自保一方獲安邦華薨謚曰恭忠子康僖王任昌立康僖王薨子溫裕王履燾立溫裕王無子康僖王弟憲定王任晟立憲定王薨子榮穆王履祐立榮穆王薨子寧嘉立南都之履亨嘉起兵據桂林自稱監國而廣總

制丁魁楚執之以獻於福建遂為唐王所誅

太祖皇帝二十六男馬皇后生懿文太子秦愍王模
晉恭王柟成祖皇帝周定王橚胡克妃生楚昭王植
連定妃生樽梓郭寧妃生魯荒王檀郭惠妃生蜀獻
王椿代簡王桂棣胡順妃生湘獻王栢邨妃生肅莊
王模韓妃生遼簡王植余妃生慶靖王璘楊妃生寧
獻王權周妃生岷莊王榘韓憲王松趙貴妃生藩簡
王模李賢妃生唐定王樞劉惠妃生郢靖王棟葛虎
妃生伊厲王模諸妃生趙王妃安惠王樞皇子楠

樂業太子標太祖第一子也母高皇后元至正十五
年生于太平陳迎家太祖為吳王立為王世子從采
繡受經吳元年年十三矣命省臨濠墓諭曰商高宗
蕩勞于外周成王蚤聞無逸之訓皆知小民疾苦故
在位勤儉為守成令主兒生長富貴習于晏安今出
旁近州縣遊覽山川經歷田野其因道逢險易以知
稼馬勤勞觀閭閻生業以知衣食艱難察民情好惡
以知風俗美惡即祖宗所居訪求父老問吾起兵渡
江時事識之于心以知吾創業不易又命中書省擇
官輔行凡所過郡邑城隍山川之神皆祭以少牢遇

太宗訪迎家賜白金五十兩至泗水告祭諸祖墓是
冬從太祖觀郊壇令左右導之農家編觀服食器具
又指道旁荆楚曰古用此為朴刑以其能去風雖傷
不殺人古人用心仁厚如此兒念之洪武元年正月
立為皇太子帶刀舍人周宗上書乞教太子帝嘉納
中書省都督府請倣元制以太子為中書令帝以元
制不足法令詹同考歷代東宮官制選熟德者成及
新進賢者兼領東宮官于是左丞相李善長兼太子
少師右丞相徐達兼太子少傅中書平章錄軍國重
事常遇春兼太子少保右都督馮宗異兼右詹事

書并章政事胡廷瑞廖永忠李伯昇兼同知樞事院
事 中書左右丞趙庸王溥兼副樞事 中書叅政楊憲
兼樞事丞傅瓚兼樞事同知大都督康茂才張興祖
兼左右率府使大都督府副使顧時孫興祖同知左
右率府事食大都督府事吳楨耿炳文兼左右率府
副使御史大夫鄧愈湯和兼諭德御史中丞劉基章
滋兼贊善大夫治書侍御史文原吉范顯祖兼太子
賓客諭之曰朕于東宮不別設府僚而以卿等兼領
者蓋軍旅未息朕若有事于外必太子監國若設府
僚卿等在內事當啓聞太子或聽斷不明與卿等意

見不合卿等必謂府僚導之嫌隙易生朕所以特置
賓客諭德等官輔成太子德性且選名儒為之職此
故也昔周公教成王克詰戎兵召公教康王張皇六
師此居安慮危不忘武備蓋繼世之君生長富貴泥
于安逸不諳軍旅一有緩急固知所指二公之言其
並識之是年命選國子生國琦王璞張傑等十餘人
侍書禁中琦等入對謹身殿姿狀明秀應對詳雅帝
喜因謂殿中侍御史郭淵友等曰諸生于文藝習矣
然與太子處當端其心術養其德性庶不流于浮靡
而儲德亦獲裨助因厚賜之未幾以梁貞王儀為太

予賓客秦鏞盧德明張昌為太子諭德先是建大本
堂取古今圖籍充其中徵四方名儒教太子諸王分
番夜直選才俊之士充伴讀帝時時賜宴賦詩商榷
古今評論文字無虛日命諸儒作鍾山龍蟠賦置酒
歡宴旬作時嘗賦賜東宮官舍三師賓客諭德朝賀
東宮東宮答拜又命東宮及王府官編輯古人行事
可為鑒戒者訓諭太子諸王四年春製大本堂玉圖
記賜太子十年令自今政事並終太子處分然後奏
聞因諭曰自古創業之君歷涉勤勞達人情周物理
致處事咸當守成之君生長富貴若非平昔練達少

有不繆者故吾特命爾日臨羣臣聽斷諸司陳事以
練習國政惟仁不失于疎暴惟明不惑于邪佞惟勤
不溺于安逸惟斷不牽于文法凡此皆心為權度人
雖有明敏之資苟非歷練臨事率意而行未免有失
知悔而改亦已晚矣吾自有天下以來未嘗暇逸于
諸事務惟恐晷刻失當以負上天付託之意載星而
朝夜分而寢爾所親見爾能體而行之天下之福吾
無憂矣時令儒臣為太子講大學衍義二十二年置
詹事院以兵部尚書詹鐸兼詹事二十四年八月敕
太子巡撫陝西帝意欲都陝西先遣太子相宅既行

使諭曰蒲昨渡江震雷忽起于東南導爾前行是威
震之兆也然一句久陰不雨占有陰謀宜慎舉動嚴
宿衛施仁布惠以回天意仍中諭從行諸臣以宿頓
聞此還獻陝西地圖遂病病中上言經畧建都事明
年四月丙子薨帝恟又禮官議期喪請以日易及當
除服帝不忍禮官請之始釋服視朝八月庚申祔葬
孝陵東麓曰懿文太子為人友愛秦周諸王數有過
輒調護之得還國有告晉王異謀者太子為涕泣請
帝乃感悟帝初撫兄子文正嫡子李文忠及沐英等
為子焉后視如己出帝或以事督過之太子輒告焉

后為愍解其仁慈天性然也建文元年追尊為孝康
皇帝廟號興宗燕王即帝位復稱懿文皇帝太子
元妃常氏開平王遺春女繼妃呂氏子五人長雄英
早卒進封廣王謚曰懷次建文帝次允熲允熲允熒
建文元年封允熲吳王允熒衡王允熒徐王俱未就
國成祖降吳王為廣澤王居漳州衡王為懷恩王居
建昌徐王為教惠王隨母呂太后居太子陵未幾召
允熲允熒還京廢為庶人銅鳳陽先後卒改允熒為
甌寧王奉太子祀未幾即中火泰卒謚曰哀簡

秦惠王與太祖第二子洪武三年與晉燕吳楚齊漢
趙魯靖江九王同日封十一年之國西安在位二十
六年薨王在國習為不度常圖奸女遣使按圖求之
南方不獲別使者一人膝胥杖一人殺之日強以獻
鈔市民羊而抑配之軍士以取其新鈔又賦金於民
民賣兒供金猶不足有懼而自殺者其所為大抵類
此國人甚苦之初王之就國也太祖委以閩西軍事
得專刑賞歲時躬巡遣徵大將以下皆受節制以王
長於諸王妻以重任而王不修政事數以過惡特聞
數甚為太祖所怒常詔至京師切責之既薨賜冊曰

爾不良於德蚤頤身特讓爾惡以伸天下公議嗚
呼朕雖痛爾義之所在其何敢私時二十八年也子
德王尚炳立永樂初有詔至國王稱疾不出迎又不
見使者成祖命械王府官送京師而賜王書曰昔晉
侯受王情內史過譏其無後成肅公受賑不救劉康
公知其不反王素不學昧於此義繼自今尚其勅思
學問以免厥愆欽哉其後隱王朝京師執禮恭成祖
悅賜從官有差隱王在位十八年薨生四子其得立
者三人嫡子僖王志垣庶子讓王志均康王志燦僖
王在位十三年薨無子懷王代之在位三年薨亦無

歷數康王得立。在位二十八年。薨。子惠王公錫立。在位二十九年。薨。子簡王誠立。王恭儉好學。在位十一年。薨。無子。從子東樓立。是為昭王。在位二十年。薨。子定王維燁立。定王早孤。簡王妃廖氏育之。有恩。既長。事廖妃及生母蒲妃皆至孝。有事必稟廖妃乃行。簡王故有能詩名。自課日賦一詩。積年不輟。其薨也。廖妃令紀善張茂校王詩號賓竹小鳴集者刻之。至是表上於朝。詔付史館。始簡王令衛儀子弟得入學宮。及是選其材者如禮焉。人以並奮秦自建國以來。商王定王最賢。祖孫相望。然定王孝行尤顯。名天下。

當是時秦府諸宗以孝聞者有汧陽王誠淵輔國將軍東梓誠淵者康王諸孫也事其父公錡及繼母皆至孝居喪如古禮又追為其母服喪三年喪夫人不再娶東梓事父母亦有至性定王先後以聞皆有詔褒嘉而陝西撫按亦上王孝行於朝受優詔定王在位三十六年薨亦無子詔以族子懷塔為嗣是為宣王表請讓其父惟嫌不許在位十九年薨子靖王敦錡立在位八年薨生子三人長子敦王錡次錡溍次錡澂王錡德教王在位十四年薨無子錡溍又次敦王錡德得立在位 年薨子存樞立李自成陷京師

存樞妃劉氏死之而存樞為賊所脅遂降於賊受其
偽號曰權將軍已而卒見害

晉恭王裒太祖第三子洪武十一年之國太原王妃
謝氏生子濟煒為世子其庶子有濟煥者性凶暴王
惡之太祖常召募晉燕周四府諸子之長者教之京
師仁宗時為燕世子頗善濟煒而燕王次子高煦與
濟煥亦以意氣相入將甚驩王又有子曰濟炫濟煥
王在位二十八年薨濟煒立濟煒之子美圭立為世
子而濟煥封平陽王濟炫封慶成王濟煥封寧化王
濟煥追憾恭王之惡已也又憾濟煒及謝妃之不為
己解於恭王也故嫉慶成王濟炫誣濟煒謀逆且言
康奉左微佐其謀濟煒父子坐廢為庶人守恭王園

榮左徵京師而濟熿代立為晉王濟熿怙寵益恣暴
遂弑謝妃逼蒸恭王侍兒吉祥因濟熿父子空舍中
虐之百方積十年濟熿不勝其苦遂得疾當是時濟
熿惡滋甚恭王宮中老嫗不能平亡走京師訟濟熿
枉以左徵為証成祖出徵訊之意頗悟即使徵召濟
熿父子徵疾馳至晉府見之因所解其絛綬相持慟
哭府中傳言徵死已久及至皆大驚時車駕方巡邊
徵以濟熿父子見于行在成祖憐濟熿病乃以濟熿
收封封美圭伴奉父居國濟熿雖王晉如故然成祖
夜仁宗自是皆不義之濟熿遂怨恨出不遜語未幾

成祖崩濟熿令監代服練臨幕中恭王故有曰在平
陽之連伯濂美士既王平陽當得之濟熿達詔故不
與仁宗遣使驗問卒與美士初濟熿既與漢王高煦
在京師意氣相結納及各為王常以書往來甚密也
而仁宗亦念昔與濟熿同學友善賜以王者冠服勅
濟熿善遇之又不聽濟熿爭連伯濂田濟熿益怒恨
熿居巫至府中日夜為詎事仁宗崩復令內監服
蘇代哭如成祖喪宣宗即位尤憐濟熿父子時遣使
勞問而濟熿詎事又頗露內不自安遂與高煦謀
遣兵反寧化王濟熿奏之宣宗患而不發既執高煦

盡恭其前後罪惡執至京師廢為庶人幽之鳳陽始
濟熿燬濟炫構濟熈而代其位及是亦為濟熿所敗
濟熈遂得復立為晉王蓋立十七年而廢廢年
而復又年而薨謚為定王美圭立有位十年薨
謚為憲王子莊王鍾鉉立有位六十一年薨世子奇
源世孫表榮皆前卒世曾孫端王知祥在位三十一
年薨端王事母醇孝山西巡撫上其行世宗嘉嘆之
時晉府諸王多敦孝其著者慶成端順王奇湏西河
恭王奇溯稍在端王前奇湏之子恭裕王表樂後端
王奇奉詔張美奇湏者濟炫之曾孫也然端王及奇

須父子及奇溯雖同以孝顯而奇須生子至百人與
表樂皆壽八十奇溯壽亦至七十有六其子表相又
貴三王者各食其報為世所榮獨端王年止三十有
八且無子端王薨以奇源次子新化王表棟之孫新
煥嗣初奇源生子六人長表榮次表棟而其最少于
由崇澤王表棟表榮止生端王端王薨其後遂絕而
表棟之子代王新化者曰知燁知燁生二子新煥其
長子也次曰新煥端王妃王氏欲以新煥為嗣時表
棟尚在以新煥幼而已年長欲攝府事王妃不聽表
棟乃止言長子不可為人後宜令新煥襲新化封而

以新塢嗣晉王廷議竟從王妃請而著令凡以郡王
入繼親王之統者不得復以郡王爵傳其夫子由是
新塢得嗣晉王是為簡王而新塢止封鎮國將軍新
化之封遂絕簡王亦孝然亦無子既老以新塢之子
慎銳為嗣簡王在位 年薨敬王慎銳立敬王亦
無子在位 年薨弟憲王慎鉅立憲王在位一年
薨子 王敏淳立 在位二十六年薨子求桂立 李自
歲陷山西執求桂扶之以犯京師後不知所終

周旋王櫛太祖第五子初封吳王國杭州已而太祖
末欲樹國財賦地乃改王開封居大河之南曰周王
王就國十餘年棄國率其孥至鳳陽太祖怒誦之雲
南俄召還問以所過城池廣狹山川易險民情風俗
皆不能對重失太祖意故雖復得就國而極著其昏
愚於紀非錄至謂古今所未有其惡之如此王生十
五子曰有燉曰有燿皆得王周曰有敷曰有燿皆以
罪廢有燉立為世子有敷者其次弟也惠宗時有敷
告王及世子反時有敷十歲世子十一歲詔逮世子
至京師下獄拷掠悉苦卒不承復捕王訊治王及世

子俱葬廢苑後窆雲南不相通獨有勅得還開封數
之後執王錮京師十王有戚祖入釋王遣使持金符
召世子雲南齊興甚厚作孝子歌賜之從王還國賜
以有勅年幼不之罪使居雲南後竟召還與諸弟俱
封於是有燭為祥符王有燭新安王而有勅汝南王
定王還國復數有過有詔羊其子羅衡在位五十六
年竟憲王有燭立是時汝南王有勅年長矣性行不
改致害憲王不置也且天興有燭不協而新安王有
燭為暴類有勅亦惡有燭怨陷之於是兩人者伶誅
偽刻祥符王印封反書約趙王若越後之彰德兩開

外據上都指揮王友得而奏之有燭上言必有燭為
此有燭詞出有勳兩人相質各引伏違俱削爵禁錮
而有燭得免憲王亦獲安憲王賢而無子在位十四
年薨憲王之次弟有勳既以持有燭廢斥而有燭之
兄次有勳者又早卒故傳序在有燭是為簡王在位
十四年薨子靖王厚立有位二年薨無子弟懿王
子墜王在位二十九年薨子憲王同鎮立有位十二
年薨世子安瀆早卒世孫恭王睦繼立有位二十八
年薨世子勳繼亦早卒世孫莊王朝桐立是時河南
國亦宗祿而周宗亦最貧蓋自定王始封至莊王而

常病瘠之初郡吏多至四十將軍至五百中尉儀賓
不可勝計其子姓之繁十餘倍于他府月廩歲給賜
河南賦稅不足辦宗人頗不得祿或數日絕食年猶
三十不能婚或娶姓者為奴隸及行乞市井轉死他
鄉者甚衆朝廷雖患之而不能赦日以蓋甚訖於明
亡莊主在位十二年堯子敬王在鉅立即位三十二
年堯子端王肅藩立即位二十二年堯子恭枏立崇禎
時李自成寇開封恭枏出私帑五十萬募新賊十級
與五十兩殺賊高興城等凡七晝夜竟却賊焚城其
焚府成復米寇寨長圍以困之巡按御史嚴雲宗謀

決河灌賊賊反因其水隄之以灌城會天雨河大決
賊去而城遂潰王恭枵從後山墜西城樓率子姓三
十餘人內侍三四人攜三撇簾渡河北至柳園坊宿
雨中數日乃免士民溺死者數百萬諸宗人皆沒王
無所歸有詔寄居趙府其後彰德陷王南奔薨於道
開封故密邇河患成祖常欲徙定王居洛陽以避之
而不果端王本發秘記有王室將衰河決為害語王
告世子以為大威反是果驗

宗正睦樛字灌甫鎮平恭靖王有燠之玄孫而定王之五世孫也定王之子憲王及恭靖最賢定王雖數罹于過而憲王及恭靖皆有道甚文克益前愆故周之子孫多以文行著稱者然獨恭靖之後為尤盛恭靖有孫司輔國將軍同轄好讀書善事父母同轄生奉國將軍安河於學尤博常以孝行受旌安河之長子睦樛是也睦樛之生當武宗之世歷世宗穆宗神宗為周藩宗正十餘年後領宗孝年七十乃卒同轄安河仍世濟美至睦樛而名以益大睦樛幼從河洛間諸儒治經學其受禮于睢陽褚先生也達旦不寐以

新疑義三月而盡其學年二十遂通五經允選於易
春秋孫室東坡之上以延學徒從之遊者麋至阮為
宗正領宗學遂約宗生以三六九日午前誦易詩書
春秋傳春秋禮記雅頌盛寒暑不輟命諸生剡奉五經
用異撰五經格擬授經圖及傳國中大制作皆出其
手及其他所論著甚衆文皆典雅可誦性又好藏書
江都葛氏章丘李氏家富圖籍甲於海內睦樸領其
訪購竭四十年之力至一萬二千五百六十卷起萬
基堂貯之倣唐人四部法用各色牙籤識別為學徒
授經之暇輒磨丹漬墨警勸萬基堂中汲汲如不及

也睦樛內行修潔父子兄弟間肫肫如也家故饒財
盡推以予諸弟喪三年居於外立祭田白塔原歲時
伏臘合族行祠事如古禮諸儒習禮者皆自謂弗及
常是時周府之賢推鎮平宗人鎮平宗人推睦樛而
睦樛遂為周府奉宗之望他如磚平恭裕王安誠南
陵莊裕玉睦樛及將軍安流前後在周府中皆
輝輝號為名賢者然出睦樛下逮甚惟天子亦習知
睦樛為行傳聞也然睦樛兼有才畧明習當世務嘉
靖中河南盜起既陷歸德分兵掠旁地遠近震恐睦
樛為趣撫楊宣圖方畧調兵食討平之又請於宣母

亦求賊黨餘粒散乎民願以存活者幾萬人其後有
教導河使南者睦樺策其將入泗水以犯皇陵議者
報其言而止已而河決將灌開封大發卒塞之報復
壞用睦樺策乃得塞河南大吏才睦樺數質以國家
新疑而楊宜尤重之常援祖訓薦其才可大用格於
例不見許故訖無然自展從以次行中興師表宗人
舉宗既靡然向風矣而其不肖者或嫖媚之特甚也
萬曆十一年河南巡撫議載宗祿新會王睦樺故嫖
睦樺以其素為諸大吏所重遂援曰為此議者睦樺
也故其黨蔽之事聞睦樺坐廢銅睦樺用是屢疏乞

休優詔不許乃復就職三年而卒有詔稱其孝行賜
祭葬以為宗盟勸睦樛才雖不得自展然文為學者
所師行為學者所祖其名稱光于父祖遠軼于周府
前後諸賢也常自號西亭當世稱西亭先生博平恭
裕王安減惠王第十三子惠王之子二十五人獨安
誠以讀書好士得舉自稱愚誠予又號迷古道人當
時次第名德者必曰博平南陵莊王睦樛恭王之幼
弟博學有識無聲色之好所居屋瓦不綠 將軍
安混一歲失母事父以孝聞父沒追為母服哀感慕
三年素精名理時稱睦樛之亞云

楚昭王賴太祖第六子洪武十四年之國武昌升平
年率信國公湯和討思州諸洞蠻大討五開蠻吳而
兒王雖提軍然政皆自和出遂皆平之三十年與湘
王栢率師十萬討古州蠻王請餉三十萬又不親蒞
軍政被旨詰責竟不能有功而還王屢定遠侯王弼
女生子孟烷王在位二十五年薨孟烷立是為莊王
時莊王莊王皆恭慎畏事守禮宣德中人數譏莊王王
懼請納兩護衛于朝帝勞而聽之王遂以安在位十
五年薨子憲王季堯立即位四年薨無子弟康王季
璉立即位十九年薨亦無子莊王庶子東安王子均

鉞立是為靖王在位四十六年薨子端王榮減立初
憲王以事母妃至孝發聞英宗朝主是端王亦以孝
於母妃為孝宗所褒在位二十二年薨子愍王顥榕
立在此二十年而為世子英耀所弑初英耀數與嬖
人陶元兒劉金徐景榮等為不法悅王宮人方三兒
燕之玉怒笞殺元兒英耀又悅妓者宋么兒用金計
取入宮事覺復見怒於王金懼獲罪告英耀王怒甚
且廢立不如先也英耀遂伏金景榮等堂後而置酒
饗王武岡王顥槐與往別饗之夾室堂上酒半金將
出母果惡聞聲殺王顥槐奔救亦見執王從朱恩等

扶門衣告變英耀復脅諸郡王為奏辨通山王英炊
獨不聽也會顯槐以問得士其狀始盡聞詔逮英耀
至告太廟誅之金等皆慘死以金幣勞顯槐英炊而
奪諸為奏辨者祿時嘉靖二十四年也越六年慈王
次子英烜襲位二十一年而薨謚為恭王王娶于王
氏無子王薨之年後宮始以舉子聞長司筆奎次曰
華璧王薨九年而華奎襲位又二十四年宗人華越
等數十人走京師告王華奎賁恭王妃兄如言子王
弟華璧則如言族人叔王王兒子以華越妻王氏為
張王氏即如言女也巡撫趙可懷等治其獄甘言偽

跡無他左驗而王氏持之甚堅廷議不能決有詔楚
年襲位已二十餘年不宜有偽其治華越等誣罔罪
當是時大孝士沈一貫受王華奎賂陰佐佑王而禮
部侍郎郭正域欲窮治王事甚力王懼求以賂解獲
為正域所發遂與一貫相攻不勝而去于是楚府東
安王英燧等皆言偽跡昭著行賂有狀宜更訊問將
旨切責華越等遂坐罪有差當華越獄之未發也衛
弁王守仁稱楚昭王妃父定遠侯弼其遠祖也弼嘗
寄金寶楚庫凡數百萬為嗣王侵匿帝心動急治之
已而悟其誣得解王華奎乃請上銀二萬兩助三殿

工以悅帝意至是輦其銀入京師宗人疑其復行賂也遣使者于溪陽而奪之巡撫趙可懷命有司捕治時諸宗人方憾可懷治華越獄不平遂大開殿可懷至死巡按吳楷遽以楚宗叛聞一貫張其事擬發兵討之命未下諸宗人皆就縛于是斬二人勒四人自盡銅高牆及集閑宅者復四十五人其語并及正城僅乃得免自是無敢言楚事者華奎得終王楚無他變又三十年乃為張獻忠所滅王華奎性愚吝於財獻忠將逼武昌守臣請王貸數十萬金供軍又議募生民為兵守城王華奎不肯貸守臣金而盡招旁

府潰兵之東下者號楚府兵是時軍帑既虛無所依
助及賊攻城諸軍方力戰楚府兵遽開門迎賊賊遽
陷賊執王沉之東湖并殺諸宗無得免者賊盡取王
宮中藏金載數百車不盡楚人以此憾王之惡也

博太祖第七子封齊王洪武十五年之國青州二十
三年從燕王棣出塞捕寇明年復率殖衛騎士與將
軍博友德偕出塞有詔卻遇敵王當自為陣與角遂
王既累歷塞上以武畧自喜所為多不法建文初有
告變者召王京師歷為庶人與周王橐同繫燕兵入
金川門急遣兵護二王二王卒不知所以大怖伏地
哭使者進言故乃大喜起相賀曰吾屬不死矣遂得
塔王赦地如故博之國蓋驕縱不法陰蓄刺客招方
士為說祖報違祖制用護衛軍守青州城並城築苑
牆藏往來者集守吏不得登城十擬有上變於朝者

構執其人以城口永樂三年朝廷以書諭構改過舍
無忘患難時當是時周生輔亦中浮言上書謝罪帝
封其書示構構不得已亦上書謝然終不能改其舊
也明年朱朝群臣劾其罪復不進士謾語帝怒削其
護衛軍賜京師群臣請罪教授葉垣等帝曰王性兒
恃朕溫詔開諭至六七不悛教授輩如王何垣等皆
先自歸可勿問構賜京師益有怨言乃廢為庶人并
其四子賢烜賢煖賢煥賢熾幽之宣德時福建人樓
濂謀反伏誅濂妻孫蘇王于於是構及賢烜賢煖賢
熾遂皆死獨少子賢熾存與故谷王穗子賦煥皆錮

南京高壻號齊庶人谷庶人其後谷庶人絕而傳之
曾孫長鑿當世宗時遇赦得出遂留居南京

梓太祖第八子封潭王洪武十八年之國長沙妃曰
于氏都督顯女也王在國數以失道聞多作淫褻其
縱淫無不至常凡羹噉人而謂曰美乎噉者畏其威
皆謗應曰美則使復噉之府中官多見蜚擊以死或
執其父而令其子笞之好令軍士徒手搏虎又嘗獵
得豹以歸擇城中人稠處縱之觀其騰傷人以為大
樂也當是時太祖諸子居國多不法而潭王尤甚太
祖既怒之于妃父顯兄琥又以黨胡惟庸事覓伏誅
太祖召王王懼托故不至使者五往王遂與妃自焚

苑園除

趙王杞太祖第九子洪武三年封瑜年薨國除

晉荒主愷太祖第十子洪武十八年之國兗州多餅
金石藥以濟其欲毒發傷目之國四年而堯太祖疾
其不知愛身以教天折也加以惡謔而賜冊暴其罪
如秦陸王子驁輝幼永樂元年乃得襲封是為靖王
主禮賢救士成祖愛重之車駕北巡過兗州錫以詩
幣在位六十四年堯子惠王恭堪立。在位七年堯子
莊主陽壽立。驛善王當漁者王幼子也。正德中兗州
被寇當漁率其私屬假獲衛弓弩乘城拒却之。受勅
擢諭遂以武健自喜。留所假弓弩於家。愛善射者衣
質數召與角。勝長史馬冠與當漁有隙。數得之。不弗

能害而質怨家某殺與冠此遂告質與當汪私造兵
械祖反中官欲邀封賞遽發兵至濟寧伺變冠因脅
並不亟奏且并獲罪王懼奏如教言遂奉詔以兵圍
當汪茅捕之當汪方醉卧與質對就縛驚曰吾何罪
索其兵械則向射賊弓弩之半朽鈍矣廷臣多知當
汪冤者然竟廢而錮之高牆質亦坐戍肅州當汪猶
未知所坐中官以謁鳳陽祖陵給之此至知為高牆
也乃慟哭大聲呼冤者數而以首觸牆死聞者傷之
莊王在位四十八年薨世子當從世孫健代皆前卒
世當孫瑞王觀熒立存位二十年薨子恭王顯垣立

初莊王端王相繼有過被削奪至於恭王乃更以賢稱此靖王時王居喪父憂喪葬盡禮世宗嘉嘆之先是孝宗常褒安丘王當遜之孝武宗為鄒平鎮國將軍當溪及其子輔國將軍健楷建坊曰世孝又以鉅野鎮國將軍當灝孝褒之至是鉅野將軍健根及其子鎮國中尉觀煥與王先後皆以孝聞於世宗朝焉王又輕于財常捐銀及府中田以贍貧民又推常祿以與貧宗亦為世宗所嘉當此之時鉅野輔國將軍當濟常祿米一千四百石佐治運河又請以佐賑封內饑民因勸世宗法祖宗裁不急之費息土木之

其朝甚剴切皆被旨展嘉予是在王既賢而諸宗人
亦頗多賢者不然自莊王之世諸宗人皆不睦乎
室嘗告世孫健牝罪朝廷察其誣而止及是難以恭
王之賢亦告諸宗人驕橫難制疏論之于朝而樂如
之何也恭王嫡子壽鏐卒世子得立者三曰壽鏐壽
鏐壽鏐恭王在位十一年薨敬王壽鏐立五位五
年薨無子憲王壽鏐代之在位十一年薨亦無子而
肅王壽鏐得立位在位四年薨子愍王以派立崇禎十
五年薨州破王自縊諸宗人多死王弟以海得免
詔遂以以海襲兄位十七年京師陷王南奔明年勅

月王居於台州已而我師南下取杭州降潞王秉勝
欲遂定浙東府州縣而餘姚紹興寧波士大夫相繼
起兵以圖興復於是奉王為監國王自台州移居紹
興命諸將帥列兵江上分地戍守以拒我師群臣上
表勸進不許王置百官以明年為監國魯元年時唐
王已建號于福建遣使來頒詔不受諸將既分地戍
守或請自賴山出師以襲我而廷議志自守不能用
是年而食盡師遂潰于江上我師渡江王走之舟山
浙江地盡入于我我師遂取福建已而王自舟山入
于福建居長垣以圖興復前後獲建寧等三府一州

平於七縣而亦不能守也遂自建復之舟山蓋
肉為衆所推以監國睿紀年于是凡四年矣又二年
布衣師盡銳攻舟山克之王遂亡之海島依鄭森公

蜀獻主孫承祖事于子然武十一年與湘豫漢衛
西並同封三十三年之國成都王傳綜典籍雅尚
儒素嘗奉命圖吳中郡郡闕而堂延攬名士李叔荆
蘇獨衡等商確吳東之國初即聘漢中教授方孝孺
為世子傳待以賓師之禮召其讀書之齋曰正學方
正學之稱自此始也嘗造安東賜長史陳南賓月廩
錢都學生徒以一石者為令太祖愛王每呼王為蜀
秀才也蓋主於宗室中最稱賢矣王在位四十三年
薨子悅嫌悅耀悅燁悅忻悅燦悅煒凡六人而悅嫌
最為世子早卒世子有子二人曰友堦友堦友堦者

獻王嫡孫也。世乎平而悅耀以次長謀奪嫡獻王怒
勅責不從執而繫之友靖力為解得釋然卒不從獻
王既薨遂遣人告友靖罪于朝仁宗察其誣友靖乃
得代獻王王蜀悅耀復走京師許之仁宗怒抵其奏
于地叱出之恐其終亂蜀國遂遣之武岡又遣之澧
州而主友靖乃獲安在位八年以能盡藩職恭朝命
緡亮錡為靖子無子弟傳王友燠立傳王亦賢得風
疾朝廷走醫調視未至亮在位甫三年亦無子于是
悅燠已後遂絕而悅耀故嘗以罪外徙而死悅耀之
族弟悅燁亦不肖當獻王時逃之谷王德新佐其逆

謀獻王上其事成祖以是愈益重獻王而悅燭亦得
免罪歸蜀然竟致死悅燭之次弟悅炳亦致死當僖
王之薨獻王之子在者惟二人而悅炳為長遂得立
是為和王王却儉能守禮法在位二十年薨子定王
友垓立王工詩善草書在位一年薨子懷王申鉉立
在位八年薨無子弟惠王申鑿立王好學能文亦善
書在位二十二年薨子昭王賓瀚立王仁厚好儒術
在位十五年薨子成王讓栩立王允賢勤遵禮法有
獻王風孝宗嘗賜以詩舉河間禮樂江夏忠勤為此
世宗後建坊旌之曰忠孝賢良王亦以善書名在位

海平八年遷子康王承燾立王亦仁孝在位三十七
年薨子端王宣祈立
在位八年薨子至澄立
在位八年薨子至澄立

湘獻王栢太祖第十二子洪武十八年之國荊州寄
從楚王征蠻膂力過人握弓矢刀槊馳馬若飛建文
元年或告王反朝廷遽遣使即訊王懼無以自明縱
火宮中奮身撲火死妃胡氏從之闔宮皆死無子國
除謚曰戾成祖改今謚為治其祠墳

代簡主桂太祖第十三子洪武十一年封豫王二十
五年改王代國于大同卽以其年之國建文元年以
罪廢為庶人成祖復王之代王貪而嗜殺又多興造
國人患苦之成祖賜書曰皇考辛勤四十年養育天
下之民以道子孫弟奈何草芥視之且弟獨不能建
業時因拘之苦耶遂詔自今王府非奉朝命不得擅
發一軍一民及斂一錢一物著為令已又條王三十
二罪責數王且召王入朝再召乃至有詔盡削其護
衛僅留三十人從王王歸卒弗悛其後王年已六十
猶將御短衣小帽持大挺袖斧鉞率幼子宣寧王遜

料陳仁王遜燭奔走市井迫逐軍民而戮之以為樂
法王妃徐氏仁孝皇后妹也生子遜煒為世子王樂
妃不相得也王次子廣靈王遜煒之母亦無寵遜料
遜燭者嬖人徐氏之子也皆見愛于王王遂逐妃及
世子於外又逐廣靈王母子皆困甚世子未幾竟死
詔立世子之子仕燿為世孫世孫與其祖母徐妃共
處人無以自給而王終不之恤也遜料遜燭及其母
又數構世孫于王世孫幾危者數矣以朝廷護持之
得免王立六十年而廢廢四年而復王復王又四十
五年乃薨蓋太祖諸子王者蜀王最賢代王最不肖

而二王實同母代王之兄廢也惠宗使如蜀觀獻王
之為政然既得返國而為惡益甚成祖章宗英宗皆
數以害譙責卒無益蓋其凶暴出于天性老而彌篤
也簡王既薨而世孫慈王仕燬立王亦不慈于其子
有詔譏其視子如秦越人也任位十八年薨子惠王
成鍊立王亦不友于其弟王長子武邑王聰沐尤醜
暴坐廢王在位二十四年薨聰沐攝府事後以居喪
無禮賊殺諫者廢徙太原久之得歸以卒其子俊杖
襲祖爵是為懿王在位二十九年薨子昭王克耀立
懿王之世大同軍叛圍王宮王如宣府避之事家乃

通至是大同軍復叛王亦東走宣府既父子再遭變
歸而深自謹勵行遵為代之賢王而臨川輔國將
軍成鎮上言雲中叛卒之變究其叢端實由官吏激
成之天下之變隱于民心臣所憂者不獨一雲中而
已也茲圖所以弭變之道莫先于清仕進誅貪酷
甚切直由是成鎮亦以賢名于代宗蓋代自懿王以
上承簡王餘習多不謹於法其宗室平擢日染遂化
其風惟靈丘府僖靖王仕塋莊和王成毅鎮國將軍
成鑑端懿王聰瀾三世四人克盡孝道而端懿亦世
子俊格頗勤學喜作文蓋靈丘于代宗獨多賢也至

是成鎮奮自隰川其兄成鎮亦以孝著聲當世稱為
兩懿而代之始建襄垣王遜煒雖好角狗馬之足然
亦頗有孝行自此而外諸宗人往往多克德有身扞
法綱者正統中簡王愛子宣寧王遜炘以偏聽縱殺
聞成化時定安王成鐸與惠王挾私忿相誣奏襄垣
王任壻與其子為淫亂其弟任埭發之仕埭亦素無
行弘治時將軍成執設其嫡母靳氏將軍聰灝妄殺
太子德時將軍成敏父子兄弟四人競作貪暴將軍
聰灝等白晝剽人財既被責怒滋甚博野王俊楨與
庶兄俊楨皆以淫亂聞而將軍聰灝等二十餘人毆

大同知府鮑繼文蚤死乃釋之又與總兵時源相爭
嗣幾召變嘉靖初將軍聶渭復持亦入大同府署為
惡于是諸宗人迭橫蓋甚久之而充灼之事遂起充
灼者和川奉國將軍也坐罪奪爵怨望乃與中尉充
映謀引寇小王子入大同殺代王以舉事事敗皆伏誅
于是總督侍郎翁萬達疏言大同地狹土瘠祿廩不
支代宗日繁衆聚而貧且又近邊易生反側請量移
和川易化諸府于他府詔從之時嘉靖二十四年也
先是正統五年以代封地隘徙懷仁于霍山陰襄垣
于蒲聖丘于絳宣寧隰川于澤嘉靖十八年徙樂昌

於頴王是和川昌化復他徙蓋代是時封郡王者二
十有三而外徙者凡九馬昭王既薨諸宗人並分為
暴者雖不遽絕然稍稍息王在位二十八年薨子恭
王延琦立號陽王充隆負才辨數侵王恐得罪乃假
上疏言事探朝廷意世宗可其奏遂益驕與王互訐
王義不能勝久之充隆乃抵罪王在位十八年薨子
定王壽鑠立壽鑠與其弟壽鈞皆有罪有詔壽鑠宜
去冠帶戴頂巾管親王事姑給祿米三之一壽鈞亦
坐削祿米之半當此之時壽鑠兄弟復為兇暴有間
誣風而諸宗人將經禍亂莫敢如前作惡山陰王俊

耕九資性慷慨負經世具數上書言時政萬曆二十
年以西夏弗寧奏請八章以規明年冬久係議蕩故
止之云萬銓被譴後五年始得免罪復王國制在位
九年薨無子而弟萬鈞代之是為王年無嫡
子妻裴氏生子萬渭次妃張氏生子萬莎王愛張氏
請以萬莎為嗣禮官謂張雖次妃不得稱嫡均之庶
也萬渭長當立鈞不奉詔久之而萬莎卒復欲以其
弟為嗣朝臣力爭之乃立萬渭王在位年薨萬
渭卒是為康王在位四年薨子王彝立王在位
年薨子傳燁立崇禎十七年帝自成化大同王遇害
諸宗人幾盡焉

蒲葭王模次孫第四子洪武十一年封漢王二十
五年故王蒲圻於甘州明年之國建文時內徙蒲州
在位四十二年薨子康王楄炤立宣德中以祿薄請
益亦朝宣宗曰洪武永樂間蒲王歲祿止五百石而
莊王不以為言者知朝廷以此遠難轉輸也仁孝推
恩如五百石王所得倍前人矣若之何重有此請其
深惡也王有心疾嘗被髮持杖金城朝廷知其疾發
弗問也在位四十一年薨子簡王祿埤立在此十二
年薨子恭王貢餘立世子真湊博雅好文詩調高古
繼發卒乃立真湊之子弼統為世孫弼統之次弟曰

弼柿恭王在位五十年薨世孫定王弼燒立弼燒也
子曰緡烟為世子弼柿之子曰緡燾為輔國將軍定
王在位四十二年薨世子亦早平乃以世子之子紳
諸襲祖爵是為懷王懷王在位二年而薨無子定王
妃吳氏請以緡燾繼嗣封常是時宗藩之例親王無
後者必親弟親姪始得為嗣世宗以謂緡燾者懷王
之從父也不可以相繼乃命以輔國將軍管府事奉
莊王祀遷罷長史以下官隆慶四年緡燾行賂于太
監陳洪竟得王肅廷臣爭之不能得也然朝命猶失
輔國將軍祿而緡燾貪于財求請不已言者蓋非之

在位十八年薨是為懿王子憲王紳堯立
在位
年薨子識鑑立崇禎十六年李自成陷蘭州王被

執